

Ուստի	ընդ Հօր	զՈրդին	օրհնեմք.
Ընդ Հօր	միշտ սուրբ	զՀօգին	գովեմք.
Զորդին	զՀոգին	և զՀայրն	յաւէտ.
Օրհնեմք	գովեմք	յաւէտ	պաշտեմք:
Այս մեր	հաւատ	ամբիժ	ընտրեալ.
Հաւատ	բոլոր	մասամբք	պաշտեալ.
Ամբիժ	մասամբք	կեանք մեղ	յոյտնեալ.
Ընտրեալ	պաշտեալ	յոյտնեալն	օրհնեալ:

Ի յախտեանս յախտենից սմէն:

Գրչագիրն, որից վերցնում ենք այդ երկու ոտանաւորներն, ունի և մի հետաքրքրական յիշատակարան, արտայայտող այն պանծալի ոգին, որ միշտ փայլել է ս. Էջմիածնի դպրոցից ելած միաբանների մէջ: Հաւատարմութիւն առ Մայր Աթոռն և անձնուէր գործունէութիւն Հայաստանեայց ս. եկեղեցու բարեզարդութեան համար եղել է միշտ գոցա փայլուն յատկութիւնն, այնպէս որ ս. Էջմիածնի միաբանները մինչև անգամ կախաղան են բարձրացել յանուն իւրեանց այդ աստուածակոխ սրբարանին:

Մի տեղ ասում է Մինաս վարդապետը. «Եւ այսպէս պարապնդեալ զմեզ յամենուստ կողմանց ի մերկամարմին ելոյ՝ վառեսցուք զմեզ ըստ ամենայնի զինուք Հոգւոյն Սրբոյ՝ սաղաւարտ ի գլուխս, վահան ի յուս, սուսեր յազգեր, աղեղն ի ձեռին և կօշիկս յոտս ըստ սրբազանին Պօղոսի քաջալերս տուեալ սոքօք ինքեամբ ինքեան կազմ եղիցուք պատրաստութեամբ աւետարանին տալ պատասխանի ամենայնի, որ խնդրիցէ ի մէնջ զբան հաւատոյ ըստ սրբազանին Պետրոսի, որովք և մղեսցուք զմեզ յառաջ այժմ և ի մերն ստադիոն հոգեւոր բանական մենամարտութեանս առ ի վարժիլ և վարժել, ստանալ և տալ, ցօղիլ և ցօղել, արբենալ և արբուցանել, գտանել և օժտել, հասանիլ և հասուցանել. տեղեկանալ թագնութեան մեծի և իրազգացս առնել տարիացեալ ոգոց՝ զոր ինչ միանգամ ուսուցէ մեզ Հոգին ճշմարտութեան. և միանգամայն իսկ ասացից ի հանդէս ի զինն մտեալ գործել ինչ և զկատարածն իրին տուողին ամենայն շնորհաց յանձն արասցուք, գուն գործեալ միայն, զի մի ի հետոց հոգեկրիցն խոտորս ինչ ընթացցուք

Ահաւասիկ յիշատակարանը.

Փառք պատիւ պաշտօն գոհութիւն և երկրպագութիւն Անեղին և միշտ Գոյին, Անսկզբան և անվաղձան թագաւորութեան Հօր և Որդւոյ և Հոգւոյն Սրբոյ, Որ մշտածաւալ իւրով բարերարութեամբն խնամէ ընդ հնազանդութեամբ իւրոյ ինքեան անզուսպ իշխանութեան զամենայն գոյս:

Որով և ամենիցն տայ ըստ իւրն կամաց, ըստ իւրաքանչիւր չափու շարժիլ ի գործնականն՝ տեսականին առաջնորդութեամբ. ևս առաւել զայնս՝ որք անկիրթքն են նորին ներհունապէս շնչմանն տեսութեան։ Որոյ առատածիր շնորհօքն և անհուն ողորմութեամբն, և օգնականութեամբն Սրբոյն Գրիգորի Լուսաւորչին մերոյ, ի լրումն եկեալ կատարեցաւ գրեցումն նորափայլ գրքոյս, որ կոչի Գիրք քարոզութեան և Հատոր առաջին։

Քարոզի, հեղինակի գրքոյս, տեառնս իմոյ տեառն Մինասայ աստուածաբան արքեպիսկոպոսին հոգեւոր որդիս և սխալոտ ծառայս, մինչ էրն նա ի գործ ծայրագոյն նուիրարկութեան սրբոյ Աստուածեան Աթոռոյս Էջմիածնի ի մայրաքաղաքն Վ. Պօլիս, գոլով ի սպաս նորին, վասն անկիրթ գոլոյս իմ քարոզութեան ժողովրդեանն, յիւրաքանչիւր ժամանակս թախանձէի զնա՝ առնել ըստ աստուածատուր շնորհացն իւրոց զքարոզս ի կրթութիւն և ի լուսաւորութիւն մտացս, և ի շահ և յօգուտ աստուածասէր ժողովրդոց։ Որ և ըստ հայրական զթոյն և բարեսէր կամացն իւրոց, բացասելով բազմազիմի զբաղանաց մեծի գործոյն, և անկարութեան ծերութեան իւրոյ, կատարէր զհայցուածս, և գրէր անխափան զցայգ և զցերեկ զքարոզս իւրաքանչիւր ժամանակի զպատշաճեալս զփառս միոյն Աստուծոյ։ Եւ մինչ ըստ գրելոցն կարգի սրբոյն Գրիգորի Լուսաւորչին մերոյ ի վերապէն ելման տօնին առաջիկայ կիւրակէին զքարոզն սկսաւ գրել՝ որ էր կաթուղիկէ եկեղեցւոյ սրբոյ Աթոռոյս Էջմիածնի օծման և նաւակատեաց աւուր քարոզն ի բանն իմաստնոցս թէ իմաստութիւն շինեաց իւր տունս՝ այլովքն հանդերձ, լայնացաւ, մեծացաւ, և բազմացաւ յոյժ գրուածն այն ըստ յաջողելոյն Աստուծոյ. և բաժանեցաւ յերիս գլուխս և յոմանս հատուածս, և ի բազում քարոզս և ի ճառս. և եղև մի մեծ գիրք աստուածաբանութեան, և կոչեցաւ հատոր երկրորդ։ Աւստի, և մնացեալ այլ ամենայն քարոզքն, և որք յառաջմէ եղեալ ասութիւնքն ժողովեցան ի մի տուփ, և եղև գիրքս այս, որ կոչեցաւ հատոր առաջին։ Եւ այս ամենայն կամեցողութեամբ և հրամանաւ տեառն իմոյ և հօր ըստ հոգւոյ հեղինակի գրուածոցս։ Որք թէ այս առաջին հատորս և թէ այն երկրորդ հատորն ի ներկայութեան տեառնս գրեցան ի նախկին գրուածոցն, և առաջի նորին վեհանաճութեան ընթերցեալ եղեն և սրբագրեցան, և եղեն սոյնքս հեղինակ գրուածոցն։

Որոց երկոցունց հատորիցն գրեցումն ևս ի միասին լրումն եկեալ կատարեցաւ. ի հայրապետութեան Սրբոյ և մեծի Աստուածեան Աթոռոյս Էջմիածնի Տեառն Ղուկասու Սրբազան Աթուղիկոսին ամենայն Հայոց, Ի թուոջ Փրկչին մերոյ 1799. և ի թուոջն մերում ՌՄԽԸ. ընդ հովանեաւ Սրբոյ Հնորհածաւալ Աթոռոյս Էջմիածնի, ի Մարտի մէկն։

Երգ՝ ուրեմն որք հանգիպեցիք թէ սոյն առաջին հատորիս, և թէ սոյն

երկրորդ հատորին կարգալով կամ օրինակելով, և կամ միայն տեսանելով, նախապէս տուք փառս Աստուծոյ յաջողողին և տնօրինողին ամենայնի։

Եւ ապա յիշեցիք ջերմեռանդ ըզձիւ ի մաքուր և սուրբ յաղօթս ձեր զհոգեւոր հայրն իմ, և մանաւանդ զգլխովին դաստիարակն իմ և զուսուցիչ զտէր Մինաս արժանապատիւ Արհի-եպիսկոպոսն և զաստուածաբան վարդապետն զհեղինակն հատորիցս։ Որոյ յիշատակն եղիցի ընդ տէրունիսն ի բարին, հանգերձ ծնողօքն իւրովք և համայն զարմիւք, հոգեւորօք և մարմնաւորօք, ամէն։

Նաև յիշեցիք ի Քրիստոս զհոգեւոր որդիակն նոյնոյ իմոյ վարդապետիս Մինասայ, զհարազատ եղբայրն իմ շնորհափայլ զտիրացու Իգնատիոսն, ընդ այլ աշակերտաց և հոգեւոր որդւոց նոյնոյ տեառնս իմոյ տեառն Մինասայ մեծի բազմաշխատ աստուածաբան Արհի եպիսկոպոսին։

Ընդ որս յիշեցիք ի ս. աղօթս ձեր զնորին, այսինքն զվարդապետինս Մեծին Մինասայ զաշակերտս, և մանաւանդ զհոգեւոր որդիս, զսխալոտ և զյետին միաբանս Սրբոյ և մեծի Աստուածակերտ Լուսակազմ Աթոռոյս Եջմիածնի, և բթամիտ պաշտօնեայս ի գործ բանի սպասաւորութեան, զԳէորգ եպիսկոպոսս, որ լեալ ցանկացող աստուծային բանիցս, գրեցի ըստ իմում կարի զերկոսին իսկ զհատորսն, ի վայելս իմումս նուաստութեան և ի յիշատակ տեառնս իմոյ գորովագութ ծնող Մինաս բազմադիւն և աստուածաբան եպիսկոպոսին։ Որում Տէր տացէ զկեանս երկարս և խաղաղս ի զուարճութիւն և ի փառս նուաստ ծառայիցս։ Եւ գթալով յիշեսցէ և զամենեւին զվերոյ գրեալսդ, եւ զձեզ զյիշողսդ միով Հայր մերիւ։ Եւ զմեզ և զծնողսն մեր և զամենայն վաստակաւորս, զհոգեւորս և զմարմնաւորս, ի միւսանգամ գալստեան իւրում լսել տալով զերանաւէտ զձայնն որ ասէ, «եկաք օրհնելք Հօր իմոյ», և այլն։

Վերջապէս և այս է տեառնս իմոյ հեղինակի հատորիցս պատուէր, և իմ աղաչանք առ ձեզ, զի եթէ կամիցիք օրինակել զհատորսս զայսոսիկ, զգուշութեամբ և հարադատութեամբ օրինակեսցիք, թարգ աւելացուցման բանից և բառից և առանց պակասեցուցման։ Ընդ որս գրեցիք և զայս յիշատակարանս առանց զանցառման ի յիշատակ մեղսամերկ անձին իմոյ ըստ ներքնոյն և արտաքնովն սեւազգեցի։ Զի վարձատրեսցիք ի Քրիստոսէ Աստուծոյ և Փրկչէն մերմէ, որում ընդ Հօր և Հոգւոյն Սրբոյ փառք և երկրպագութիւն յաւիտեանս յաւիտենից ամէն*։

Ա. Տ. Մ.

* Այս գրչադիրն, ստացել եմ շնորհակալութեամբ մեծ. Պ. Լեւոն Յարութիւնեանից, Հետեւեալ անգամ կտանք ուրիշ ոտանաւորներ եւս։